

इवनिंग डोगरी न्यूज बुलेटिन

समे .18:15 Hrs

<><><><><><>

Headlines

1. प्रधानमंत्री नरेन्द्र मोदी होंरें आक्खेया जे करसानें दी भलाई उन्दी सरकार दी प्राथमिकता ऐ ते करसानें दी आमदनी च बाददा करने लेई उन्दी सरकार लगातार कम्म करा रदी ऐ।
2. प्रधानमंत्री होर वैष्णो देवी कटड़ा-अमृतसर “वंदे भारत ट्रेन” गी 10 अगस्त गी वर्चुएल राए झंडी दस्सियै रवाना करगंन।
3. सरकार ने झूठ ते आतंकवाद दा प्रचार करा रदी 25 कताबें उप्पर पाबंदी लाई दिती ऐ।
4. उधमपुर च इक सिडक हादसे च 3 CRPF दे जवानें दी मौत ते 15 घायल होई गे न।
5. ते 11वां राष्ट्री हत्थखड्डी दिन पूरे जम्मू खिते च मनाया जा रदा ऐ।

<><><><><><>

PM- Centenary Conf (Bytes)

प्रधानमंत्री नरेन्द्र मोदी होंरें आक्खेया ऐ जे भारत अपने करसानें दे हितें कन्ने कदें बी समझौता नेंई करोग। नमीं दिल्ली च M.S. Swaminathan शताब्दी अंतराष्ट्री कांफ्रेस गी सम्बोधित करदे होई प्रधानमंत्री होंरें आक्खेया

प्रधानमंत्री होंरें आक्खेया जे सरकार करसानें दी आमदनी च बाददा करने ते राई-बाई उप्पर खर्च गी घट्ट करने उप्पर लगातार कम्म करा रदी ऐ। उनें इस गल्लै उप्पर जोर भरेया जे सरकार दी ताकत गी राष्ट्र दी तरक्की दी नीह दे तौरा उप्पर पन्छानेया ऐ। उनें आक्खेया

श्री मोदी होंरें आक्खेया ऐ जे डाक्टर स्वामीनाथन होंरें भारत गी खाद्य उत्पादन च आत्मनिर्भर बनाने लेई आंदोलन दा नेतृत्व कीता। उनें आक्खेया जे डाक्टर स्वामीनाथन होंरें Bio-Diversity थमां अग्गे बधियै Bio-Happiness दी दूरदर्शी सोच दिती। प्रधानमंत्री होंरें आक्खेया जे उन्दे दिते दे विचार अज्ज बी भारत दे राई-बाई क्षेत्र च दिक्खे जाई सकदे न।

<><><><><><>

Amritsar Vande Bharat

जम्मू रेल डिवीजन नै आक्खेया प्रधानमंत्री नरेन्द्र मोदी होर 10 अगस्त गी अमृतसर ते श्री माता वैष्णो देवी कटरा बश्कार चलने आहली “वंदे भारत एक्सप्रेस” रेल सेवा गी वर्चुअल राए झंडी दस्सियै रवाना करगंन। आकाशवाणी जम्मू दे संवाददाता दी रिपोर्ट मुजब जम्मू रेल डिवीजन दे इक वरिष्ठ अधिकारी नै आक्खेया ऐ जे वंदे भारत ट्रेन नम्बर- 26406 श्री माता वैष्णो देवी कटरा थमां अमृतसर बश्कार चलोग, जिसलै की ट्रेन नम्बर- 26405 अमृतसर थमां श्री माता वैष्णो देवी कटरा तक्कर मंगलवार गी छोड़ियै हफते च 6 दिन चलोग। ट्रेन नम्बर- 26406 कटरा थमां बड्डलै 6:40 उप्पर

रवाना होग ते 12:20 उप्पर अमृतसर पुज्जी जाग। इस दौरान इस ट्रेन दे स्टॉप जम्मू, पठानकोट-कैंट, जलंधर सिटी ते व्यास होगन। इयै ट्रेन अमृतसर थमां संजा 4:25 उप्पर चलोग ते राती 10 बजे परतियै कटरा पुज्जोग।

<><><><><><>

Book Banned

जम्मू-कश्मीर सरकार नै 25 कताबें दे प्रकाशन, उंदी प्रतिर्ये ते होरनें दस्तावेजे गी जब्त करने दा हुकम दिता ऐ। उनें इस गल्ला दा हवाला दिंदे होई आक्खेया ऐ जे इस चाल्ती दा साहित्य, प्रदेश च झूठ ते अलगाववाद दा प्रचार करदा ऐ। आकाशवाणी जम्मू दे संवाददाता दी रिपोर्ट मुजब, जम्मू-कश्मीर गृह विभाग दे प्रधान सचिव आसेया जारी कीती गेदी सार्वजनिक अधिसूचना मताबक एह फैसला उपराज्यपाल मनोज सिन्हा हुंदे हुकम दे मगरा लैता गया ऐ। सरकार नै आक्खेया ऐ जे जांच ते खुफिया जानकारी इस गल्ला दा संकेत दिंदे न जे हिंसा ते आतंकवाद च युवाएं दी हिस्सेदारी दे पिच्छे जिसदा हत्थ ऐ उसदे लगातार अंदरुनी प्रसार कन्नै झूठ ते अलगाववाद साहित्य दा व्यवस्थित प्रसार रेहा ऐ।

<><><><><><>

Charri Yatra (Byte)

श्री बुड्डा अमरनाथ जी दी सलाना छड़ी यात्रा श्री दशनामी अखाड़े पुंछ थमां शुरु होई गई। स्वामी विश्वात्मानंद होरें छड़ी मुबारक दी पूजा कीती ते उसदे बाद छड़ी यात्रा, श्री बुड्डा अमरनाथ जी दे मंदर लेई रवाना होई गई। इस यात्रा च सब्भनें समुदाये दे हजारं बद्धे लोकें ते साधुएं हिस्सा लेया। पुंछ थमां मंडी जन्दे होई यात्रा नगाली ते सथरा च पड़ां लेई रुकी। रस्ते च मकामी लोकें ते समाजी संस्थाएं आसेया यात्रुएं लेई बक्ख-बक्ख थाहरें पर स्टाल बी लाए गेदे हे। इस मौके उप्पर बोलदे होई स्वामी विश्वात्मानंद सरस्वती होरें आक्खेया

<><><><><><>

Udhampur Accident (Byte)

केन्द्र रिजर्व पुलस बल दे जवानें गी लेइयै जा रदी इक गड्डी अज्ज उधमपुर जिले च सिड़क उप्पर तलैटी गई ते नाले च जाई डिग्गी। इस हादसे च केन्द्र रिजर्व पुलस दे त्रै जवानें दी मौत होई गई ते 15 जखमी होई गे। आकाशवाणी जम्मू दे संवाददाता दी रिपोर्ट मुजब एह हादसा कांडवा इलाके च होआ, जिसलै जवान बसंतगढ़ थमां इक आप्रेशन थमां वापस आवा रदे हे। 187 बटालयिन दी इस गड्डी च 23 जवान सवार हे। हादसे दरान 2 जवानें दी मौके उप्पर गै मौत होई गई ते 16 जखमी होई गे। अस्पताल पुज्जने तक्कर इक होर जवान दी मौत होई गई जिसदे कन्नै मरने आहलें दी गिनतरी 3 होई गई। केन्द्री मंत्री डाक्टर जितेन्द्र सिंह ते उपराज्यपाल मनोज सिन्हा होरें इस हादसे च जान मोआने आहले जवानें दी मौत उप्पर डूंगा दुख प्रकट कीता। इस बारे गल्ल करदे होई उधमपुर दे अडिशनल एस.पी. संदीप भट्ट होरें आक्खेया।

<><><><><><>

Handloom day Samba (Byte)

देसै च बाकी हिस्सें आंगर साम्बा च बी 11मां राष्ट्री हत्थखड्डी दिन मनाया गया। मुख्ख समारोह दा आयोजन जिला मुख्यालय साम्बा दे कांफ्रेस हॉल च कीता गया। इस समारोह च डी.सी. साम्बा राजेश शर्मा मुख्ख परौहने हे। डी.सी. होरें साम्बा दे बुनकरें आसेया लाए गेदे स्टालें दा निरीक्षण कीता। हत्थ-करघा दा Live प्रदर्शन इस कार्यक्रम दा इक मुख्ख आकर्षण ही। इस दरान डी.सी. राजेश शर्मा होरें साम्बा दे बक्ख-बक्ख थाहरें थमां आए दे बुनकरें गी सम्मानित कीता। आकाशवाणी कन्नै गल्लबात करदे होई डी.सी. साम्बा होरें आक्खेया

<><><><><><>

Handloom day Reasi (Byte)

रियासी दे जिला प्रशासन ने बी राष्ट्री हत्थखड्डी दिन बड़ी धूमधाम कन्नै मनाया। इस कार्यक्रम दा आयोजन जिला मुख्यालय च कीता गया, जेदे च मकामी कारीगरें, स्वयं सेवी समूहें, बुनकरें ते विद्यार्थियें हिस्सा लेया। इस मौके उप्पर बोलदे होई डी.सी. रियासी, निधि मलिक होरें हत्थखड्डी क्षेत्र गी बचाने ते इसी होर बढ़ावा देने दे महत्व उप्पर जोर दिता। उनें आक्खेया जे एह क्षेत्र न सिर्फ इस खिते दी संस्कृति गी दर्शादा ऐ, सगुआं मते सारे लोकें लेई रोजी-रुट्टी दे सरिस्ते ते तौरा उप्पर बी कम्म करदा ऐ।

<><><><><><>

GDC Kishtwar (Byte)

Govt. डिग्री कालेज किशतवाड़ ने 79में सुतंतरता दिवस दे समारोह दे हिस्से दे तौरा उप्पर इक Inter Dist. कालेज Completion दा आयोजन कीता। इस कार्यक्रम च खिते दे बक्ख-बक्ख कालजें दे विद्यार्थियें हिस्सा लेया। 4 श्रेणियें च इस प्रतियोगिता दा आयोजन कीता गया जेदे च निबंध लेखन, सैमिनार, चित्रकला ते राष्ट्रगान गायन शामिल हे। बक्ख-बक्ख प्रतियोगिता दे विजेताएं गी ट्राफी ते प्रमाण-पत्र बंडे गे। इस मौके उप्पर बोलदे होई प्रोफैसर Sonika होरें आक्खेया

<><><><><><>

Dogri Sahitya Academy

साहित्य अकादमी नै बरे 2026 दे युवा पुरस्कार लेई मान्यता हासिल सब्भनें 24 भाषाएं च पैहली जनवरी 2026 गी 35 बरे तगर ते ओहदे थमां घट्ट उम्मी दे युवा भारती लेखकें दियें कताबें गी भेजने दा साद्दा दिता ऐ। लेखक दी उम्र 35 बरे जां फही ओहदे थमां घट्ट होनी लोडचदी। दरखास्त जमा करोआने दी खीरी तरीक 31 अगस्त 2025 ऐ। होर जानकारी लेई इच्छुक आवेदन साहित्य अकादमी दी वेबसाईट www.sahityaakademi.gov.in पर दिक्खी सकदे न।

<><><><><><>